

REGIONAL NEWS BULLETIN

HEADLINES (EVENING)

- 1. Mizoram State Election Commission chuan Chief Minister Pu Lalduhoma chu Model Code of Conduct bawhchhia a puh na chungchangah insawifiah turin a hriattir.
- 2. MNF Legislature Party Leader Pu Lalhhandama Ralte chuan Mizoram Sawrkar in Lengpui Airport IAF kuta a hlan chuan ram pawl a khawih dawn a ti.
- 3. Kum 27 hnuah BJP chu Delhi-ah an sawrkar dawn
- 4. Prime Minister Narendra Modi chuan karleh hian France leh United States a tlawh dawn.

<><><>

SEC

Mizoram State Election Commission chuan Chief Minister Pu Lalduhoma chu Model Code of Conduct bawhchhia a puh a nih vangin insawifiah turin a hriattir.

MNF Gen Hqrs Secretary Pu J Rosangpuia chuan ni 6 khan SEC Mizoram hnenah hian Chief Minister Pu Lalduhoma hi MCC bawhchhia puhin lehkha a thehlut a, Pu Lalduhoma chuan MCC hnuaia thu inziak, 'Policy thar' leh 'Ruahmanna thar lam hawi reng reng puan chhuah rih loh tur' tih chu a bawhchhe ngeia a lan thu ziakin, ZPM Tuirial West Block hruaitute nena Chief Minister pisaa thla an lakho vawrh darh chungchang pawh MCC bawhchhiahtna ngei nia a hriat thu a tarlang bawh a ni.

SEC thuneitute tarlan danin Chief Minister Pu Lalduhoma hian insawifiahna vawiin khan State Election Commission ah a thehlut a, SEC hotute chuan karleh thawhtan lamah a insawifiahna hi ngaihtuah a nih dawn thu an sawi a ni.

<><><>

LENGPUI AIRPORT

Lengpui Airport-a thlawhna tlan kawng a that tawkhloh avangin Central Road Research Institute chuan thla 3 hnuah Licence tihtawp sak theih a ni an ti a, hemi avang hian siamtha turin Mizoram sawrkar chuan cheng vbch 80 a ruahman.

MNF Legislature Party leh Lengpui Airport hotute inkawmna ah he thu hi tarlan niin Aviation hotute chuan thlawhna tlan kawng chu a that tawh loh thu Central Road Research Institute chuan an sawi an ti a, siam that anih loh chuan License cancel thlengin hmalak theih anih thu an sawi avangin Mizoram sawrkar chuan February ni 5 khan Lengpui thlawhna tlan kawng siamthat nan hian cheng vbch 80 a ruahman a ni.

Lengpui Airport hotute sawi danin tun dinhmunah thlawhna tlan kawng chu a that zawng tehna PCN 36 a ni mek a, hei hi PCN 55 ah tih san tum a ni a, hmalakna an kalpui tan a ni.

CRRI hotute chuan Airport runway chu a that tawh loh chuan chetsual hlahthawnawm an ti a, mipui tan a him tawhloah ngaiin siamthat thuai ni se an ti a ni.

Lengpui Airpochu teh thin a ni an ti a, kum 2022-a an the ah a zau zawng bigha 1997-anih laiin kum 2024-a teh hnuhnun berah 1724.78 square kilometre a ni an ti.

<><><>

MNF LEGISLATURE PARTY

MNF Legislature Party Leader Pu Lalchhandama Ralte chuan Mizoram Sawrkar in Lengpui Airport IAF kuta a hlan chuan ram pawl a khawih dawn a ti a, Lengpui Airport hralh chu Mizo mipui tam tak duhloh anih avangin Sawrkar chu in ngaihtuah nawn se a ti.

MNF Legislature Party in vawiin khan Lengpui Airport an tlawh a, he hunah hian thusawiin Pu Lalchhandama Ralte chuan Mizoram Airport neih chhun IAF kuta hlan chu eptu party hrang hrang leh tlawmngai pawl bakah Mizo mipui tam tak in an duh lo a ti a, ZPM in kum khat pawh an la enkawl tlin hmaa hralh an tum chu hriatthiam harsa a tih thu a sawi bawh.

Pu Lalchhandama chuan, ZPM in sawrkarna an chan atanga an hmalakna hmasa berah Lengpui Airport chu midang kuta hlan an rel nghal a ti a, Chief Minister Pu Lalduhoma'n Delhi a kal hmasak bera alo haw ah Lengpui airport chu AAI hnenah emaw Adani Group ah hlan tum a ni ang tiin a sawi bawh a, hemi bawhzui hian sorkar chuan Committee te dinin he committee in rawtna a neih angin Cabinet chuan Indian Airforce hnena hlan turin MoU duangtu tur committee an siam a ti a, IAF kuta hlan anih chuan mipui zalenna a bo dawn a ni a ti.

MNF Party hruihute hian vawiin khan Lengpui airport hotute an kawm a, Airport runway an tlawh bawh a, he hunah hian MNF Legislature Party Leader Pu Lalchhandama Ralte bakah MLA - Pu Lalrintluanga Sailo, Pu L. Rohmingliana, Pu Ramthanmawia, Pu K. Laldawngliana, Pu H. Lalzirliana leh Pu Lalrinsanga Ralte te an tel a ni.

Hetihlai hian Central YMA buatsaihin nizan khan 'Ruihhlo Do infuihtharna hun' Vanapa Hall-ah neih a ni a, he huna kalkhawmte hian Indian Air Force kuta Lengpui Airport hlan an remtih loh thu resolution siamin an pawm a ni.

<><><>

AMVCA

All Mizoram VC Association (AMVCA) President Pu K. Lalngaizuala chuan mipui rorelna bulthut, VC te, sorkar apiangin an duh hunah an namthlu zel thei dawn ta niin a lang a ti.

Vawiina Aizawl Press Club-a chanchinbumite a kawmnaah he thu hi sawiin Pu K. Lalngaizuala chuan Sorkarin VC-te a thuneihna a lek khum a, an term dinglai a pawh tawi sak dawnin a chhan leh vang engmah a sawi lo a, an ni VC dinglai te rawn derna emaw, mipui aiawhte rawnna emaw, political party dangte biak rawnna emaw pawh engmah a awm lo a ti a. Party dang VC te dah bo thuai thuai tumna leh ruling party sawh ngheh tumna liau liau a ni tih a lan avangin, mipui thlan VC te zahawmna vawng hima, democracy ropuina ven him tumin High Court kawngkhar an kik a, amaherawhchu an ngenna te hnawl sak a ni ta a ni a ti.

Pu K. Lalngaizuala chuan VC term a pawh tawi chhan Mizoram sorkar dinglaiin Court-a a sawi, 15th Finance Commission atanga Mizoram sorkarin Post Devolution Revenue Deficit Grant a hmuh tlak hniam zel vang, tih a nih thu chu pawm harsa an tih thu a sawi a. Tun kum kallai aia sorkar kum thara sum hmuh tur chhut lawk a tam zawk daih laia sum hmuhna head pakhat tlahniam awm chhun chhuanlama hman chu a pawmawm loh hle a ni a ti.

Mizoram sorkarin hmanhmawh taka inthlanna a neih pui hun tur chu zirlaite hun pawimawh final exam nen a in tih buai chiah bawk avangin ruahmanna fel tak sa awm lo a ni a ti a. Kawng hrang hranga thlirin Mizoram sorkarin VC term a pawh tawi chungchangah Dan hnuaiah sokarin hnehna chang mahse, mipui thinlungah erawh hnehna an chang chuang lova an hriat thu a sawi.



PARIKSHA PE CHARCHA 2025

St Pauls Higher Secondary School zirlai Lalnunsangi Ralte, Pawl 10 zirlai chu kum 2025 Pariksha Pe Charcha 8th Edition ah Prime Minister Narendra Modi nen inkawm tura thlan a ni.

Prime Minister Narendra Modi hova zirna chunchanga inkawmhona Pariksha Pe Charcha hi karleh thawhtanni February ni 10 ah neih tur a ni a, hetah hian ramchhunga zirlai hrang hrang thlan chuah te an tel thin a, kuminah hian zirlai 100 chuangin Delhi an pan hnuah zirlai 36 chu Prime Minister nena inkawmhona ah hian an tel thei dawn a ni.

Lalnunsangi Ralte chuan Prime Minister kawm tura thlan ani chu lawmawm a tih thu sawiin ramchhunga zirna in hma a sawn theih nana ke a penna ah lawmthu hrilh a tum a ti a, hei aia tan la zual zel turin hrilh a tum thu a sawi bawk.

*Byte...Lalnunsangi Ralte*

Prime Minister leh zirlaite inkawmna ah hian Pu Modi-a chuan ramchhunga zirlai naupangte chu exam avanga an rilru hahna chhawk zangkhai zawngin hun a hman pui thin a, zirlaite bakah zirtirtute leh nu leh Pa ten Prime Minister hi zawhna an zawt thin a, Nikumah chuan January thla tawpah he hun hi hman a ni a, thudawn danin kuminah pawh January thla tawpah hman tura beisei a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

VOTE COUNTING

Kum 27 hnuah BJP chu Delhi-ah an sawrkar dawn. Vawiin khan Delhi Assembly inthlan vote chhiar a ni a, hriat theih chinah BJP hian seat awm zawng zawng 70 atangin hma an hruaina leh hnehna an chan tawhna hi avaiin seat 48 a ni a. Sawrkar lai AAP chuan seat 22 ah hma an hruai ve thung a ni. Hetihlai hian Congress chuan azawna vawi thum nan seat pakhatmah an la lo a ni. AAP hruaitu leh Chief Minister hlui Arvind Khejriwal leh AAP hruaitu Manish Sisodia te chu tling lo langsar an ni a Chief Minister nilai Atishi chu Kalkaji bialah thlan tlin a nit hung.

Vawiin khan Uttar Pradesh-a Milkipur Assembly by-election vote chhiar ni bawkin BJP candidate Chandrabhanu Paswan chuan hma a hruai a. Tamil Nadu Assembly biala Erode (East) by-election vote pawh chhiar niin DMK candidate Chandirakumar V.C chu thlan tlin a ni.

<><><>

PM

Prime Minister Narendra Modi chuan karleh hian France leh United States a tlawh dawn. Tun tum a zin turah hian ram pahnihte nen inlaichinna hrang hrang eibar zawinna, artificial intelligence, sumdawnna, ralthuam leh thildanga thawhhona tihnghehna tur a thlurbing dawn a ni. Prime Minister Narendra Modia hian France President Emanuel Macron-a sawmna angin Febraury ni 10 leh 12 inkar hian France a tlawh dawn a. President Emanuel Macron nen hian AI Action Summit an kaihruai dawn a. Foreign Secretary Vikram Misri chuan hruaitu pahnihte hian India-France CEO Forum ah hun an hman dawn tih a sawi bawk a ni. France a tlawh zawh hian February ni 12 ah US a pan leh ang a ti.

<><><>

INDIAN ART HISTORY CONGRESS

Indian Art History Congress vawi 32 chu vawiin khan Noida ah tan a ni a. Union Minister of Culture and Tourism, Gajendra Singh Shekhawat chuan ni thum awh tur Indian Art History Congress hi a hawng a ni.

He conference ah hian thupui atan Rendering of Indian Epics in Art and Culture tih hman a ni.

<><><>